

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quòd Roma hoc tempore ab Alaricho deuastata in Barbarorum potestatem
venerit. Cap. X.

urn:nbn:de:hbz:466:1-12704

S O C R A T . H I S T O R .

Qui temporibus illis Antiochiae ac Romae Episcopatum gerebant. C A P . IX.

E Isdem ferè temporibus, Antiochiae mortuo Flauiano, Porphyrius in illum successit Episcopatum. Post Porphyrium Alexander illi ecclesiæ præfuit. Romæ Ecclesiæ Episcopatum, ubi Damasus decem & octo annos procurasset, Siricius in eius locum suffectus est. Cum Siricius ad annos quindecim eam rexisset ecclesiam, Anastasius postea triennio eandem gubernauit. Quo mortuo, Innocentius, qui primus Nouatianos Roma ejcere cœpit; multasq; ecclesias eis adimere, illius ecclesiæ suscepit administrationem.

Quod Roma hoc tempore ab Alaricho deuastata in Barbarorum potestatem venerit.

C A P . X.

S VB idem tempus, Roma fortè fortuna à Barbaris capta fuit. Nam Alarichus quidam Barbarus, foedere cum Romanis iunctus, qui Theodosio Imperatori in bello contra tyrannum Eugenium administrato subsidio venerat, & propterea præclaris honoris insignibus à Romanis exornatus erat, cum secundum hunc & prosperum fortunæ flatum moderatè ferre non posset, tametsi ad imperij gubernacula non aspirare contenderet, reclita tamen Constantinopoli, ad partes versus occidentem proficisci matratur. Vbi venit in Illyricum, confessim, vniuersam sibi subegit. Ei verò iter longius facienti Thessali circiter ostia Penei fluiminis, unde Nicopolim, urbē Epri, per montem Pindum iter est, restiterunt: factoque prælio, Thessali circiter tria hominum millia trucidarunt. Postea Barbari, qui erant cum Alaricho, agris viribusque, in quas fortè incidabant, vastatis, tandem Romanum occuparunt. Quam etiam populari, multa insignia monumenta spectaculū dignissima, incendere, pecuniam ciuium vi rapere, complures ordinis Senatorij viros varijs supplicij generibus cruciatos interficere cœperunt. Alarichus autem, quo Imperij decus ludibrio exponeret, Imperatorem nomine Attalum declarauit:

Nunc

Hunc ad vnum diem velut Imperatorem satellitibus stipatum incedere: postridie serui habitu in publicum prodire iubet. His rebus confectis, Alarichus illico propterea fugam cepit, quod fama de copiis Imperatoris Theodosij ad ipsum bello profligandum missis dissipata, terrorem eius animo incusserat. Neque certe fama illa falsa commentiaue fuit, sed reuera exercitus Imperatoris ad bellum contra eum gerendum maturauit. Ille igitur cum famam illam ferre non posset, se, vt dixi, in fugam coniecit. Fertur monachum quendam, vitum pietare præstantem, ei Romam proficisci obuiam factum, admonuisse, ne ex tam atrocibus maleficijs, neu ex cæde & sanguine lætitiam caperet. Cui respódet Alarichus: ego inuito planè animo eò proficiscor. Sed est quidam, qui mihi quotidie exhibit molestiam, imo vero vi impellit, sicque me alloquitur: iter capeſſito, urbem Romanam vastato. Haec tenus de Alaricho dictum sit.

De episcopis qui tum temporis Romæ præsidebant.

CAP. XI.

Ecclesiæ Romanæ post Innocentium, Zosimus ad biennium præfuit. Quo vita functo, Bonifacius tribus annis illam rexit ecclesiam: cui Celestinus successit. Hic Nouatianis qui erant Romæ, ecclesiæ abstulit, & Rusticulam illorum Episcopum clam in ædibus conuentus agere coegit. Nam ad illud tempus, Nouatiani Romæ admodum floruerant, plurimasq; ibi habuerant ecclesiæ, & ingeniem populi multitudinem coegerat. Verum grauis tum iraundiæ flamma contra eos incensa fuit, cum Episcopatus Romanus non aliter atque Alexandrinus quasi extra sacerdotii fines egressus, ad secularem principatum erat iam ante delapsus. Ac propterea Episcopi illi his, qui in fide Consubstantialis cum illis consentiebant, conuentus securè celebardi potestatem minimè fecerunt, sed tametsi eos propter consensum fidei laudabant, tamen omnes suas fortunas illis abstulerunt. At Nouatianis, qui Constantinopoli hababant, istud minimè contigit. Quippe Episcopi Constantinopolitani præterquam quod eos amplexabantur, in civitate præterea, sicut ante pluribus declarauit, potestatem conuentus agendi permiserunt.

v

D